



Služba za komunalno – stambene poslove

Broj: 12-04-4246/21
Lukavac, 06.12.2021.godine

Na osnovu člana 64. stav (1) tačka a), člana 25., člana 70. Stav 1.), 3.) i 6.) Zakona o javnim nabavkama („Sl. glasnik BiH“, broj: 39/14), na Preporuku Komisije za provođenje postupka javne nabavke broj: 12-04-4246/21 od 03.12.2021.godine u otvorenom postupku javne nabavke opreme za naplatu parkinga, Pomoćnik općinskog načelnika za Službu za komunalno – stambene poslove d o n o s i

ODLUKU
o izboru najpovoljnijeg ponuđača

Član 1.

Prihvata se preporuka Komisije za provođenje postupka javne nabavke broj: 12-04-4246/21 od 03.12.2021. godine i Ugovor za javnu nabavku opreme za naplatu parkinga dodjeljuje ponuđaču „Eccos Inženjering“ d.o.o. Sarajevo, koji je dostavio ponudu broj: 122/2021 od 29.11.2021. godine, za ponuđenu cijenu u vrijednosti od 50.370,00 KM i grantnim rokom 37 (tridesetsedam) mjeseci kao najpovoljnijem ponuđaču.

Član 2.

Ova Odluka objavit će se na internet stranici ugovornog organa (www.lukavac.ba) istovremeno sa upućivanjem ponuđaču koji je učestvovao u postupku javne nabavke, u skladu sa članom 70. stav 6. Zakona o javnim nabavkama.

Član 3.

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

Obrazloženje

Općina Lukavac je Odlukom o pokretanju postupka javne nabavke broj: 12-02-4240/21 od 19.10.2021.godine pokrenula otvoreni postupak javne nabavke opreme za naplatu parkinga. Procjenjena vrijednost javne nabavke bez PDV-a iznosila je 61.500,00 KM.

Obavještenje o nabavci broj: 719-1-1-119-3-162/21 objavljeno je na Portalu javnih nabavki dana 19.10.2021.godine i Ispravka obavještenja o nabavci broj: 719-1-1-119-8-178/21 od 23.11.2021.godine.

Komisija za provođenje postupka nabavke imenovana Rješenjem broj: 02-04-75-85/21 od 20.10.2021.godine i Rješenjem o izmjeni Rješenja broj: 02-04-75-85/21-1 od 26.11.2021.godine, otvorila je ponude i utvrdila sljedeće:



- da su u predmetnom postupku primljene tri ponude;
- da nije bilo neblagovremeno primljenih ponuda;
- da su ponuda ponuđača „Fractal“ doo Žepče i „Eccos Inženjering“ d.o.o Sarajevo kvalifikovane i potpune, odnosno dostavljeni su svi traženi dokazi propisani tenderskom dokumentacijom, na propisan način,
- Komisija za provođenje postupka javne nabavke je analizom ponude ponuđača „ProcessControl“ doo Sarajevo utvrdila da isti u sastavu ponude nije dostavio Identifikacioni broj, što je traženo tačkom 13. Tenderske dokumentacije, te je Komisija primjenom tačke 13.1.5. Tenderske dokumentacije, te primjenom člana 68. stav 4. tačka i.) Zakona o javnim nabavkama („Službene novine BiH“, broj 39/14), ponudu ponuđača „ProcessControl“ doo Sarajevo odbacila.

U postupku donošenja ove Odluke, posebno su cijenjene činjenice da je Komisija, pravilno i potpuno izvršila ocjenu kvalifikovanosti ponuđača te pregled i ocjenu ponuda, u skladu sa kriterijima iz Tenderske dokumentacije.

U postupku ocjene provedenog postupka, nisu nađene nepravilnosti niti propusti u radu, koji bi eventualno bili osnov za neprihvatanje Preporuke Komisije za provođenje postupka javne nabavke.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskom dokumentacijom. Uvidom u priloženu dokumentaciju utvrđeno je da procijenjena vrijednost nabavke bez uključenog PDV-a iznosi 61.500,00 KM bez PDV-a i da je kriterij za dodijelu ugovora ekonomski najpovoljnija ponuda u skladu sa sljedećim potkriterijima:

- | | |
|----------------------|------|
| a) Cijena | 80 % |
| b) Garantni rok..... | 20 % |

Ponuđač „Eccos Inženjering“ d.o.o Sarajevo dostavio je prihvatljivu ponudu sa cijenom u iznosu od 50.370,00 KM i garantnim rokom 37 (tridesetsedam) mjeseci i osvojio 95 bodova, te je u odnosu na kriterij za dodijelu ugovora rangiran na prvo mjesto.

Zbog naprijed navedenog odlučeno je kao u članu 1. ove Odluke.

Pouka o pravnom lijeku:

Protiv ove Odluke može se izjaviti žalba, najkasnije u roku od 5 (pet) dana od dana prijema ove Odluke. Žalba se podnosi putem ugovornog organa, u pisanoj formi direktno ili preporučenom poštanskom pošiljkom na adresu: Općina Lukavac – Služba za komunalno – stambene poslove, Trg Slobode 1, 75300 Lukavac, a izjavljuje se Uredu za razmatranje žalbi u Mostaru. Žalba se podnosi u najmanje 3 (tri) primjerka.


 PO OVLAŠTENJU OPĆINSKOG NAČELNIKA
 POMOĆNIK OPĆINSKOG NAČELNIKA
 (ovlaštenje broj: 02-30-6246/20 od 21.12.2020.godine)
 Mirela Bubić, dipl.pravnik

Dostaviti:

1. „Eccos Inženjering“ doo Sarajevo
2. „Fractal“ d.o.o Žepče
3. „ProcessControl“ d.o.o Sarajevo
4. Evidenciji,
5. Arhivi.